

PODI-YA-TSELA GRAPEVINE



Mo lokwalong le

Porojeke ya Styldrif e simolotse	3
Royal Bafokeng Enterprise Development	5
BTE e etela dikolo	7
Letlole le tiisa morafe	9
Lefelo le marata go lejwa la metshameko	10
Badiri ba basha	12

Pulo-sešwa e e neng e sa bolo go lebeletwa ya Royal Bafokeng Stadium e nnile moletlo wa marata go lejwa. E ne e le Lamatthatso, Mopitlwe a le 28, 2009, baeti ba maemo a a kwa godimo ba ne ba kopanela le **Kgosi** Leruo Molotlegi le Morafe wa Royal Bafokeng kwa pulong eo ya semmuso, e ka nako ya yone setlhophha sa Aforika Borwa sa Bafana Bafana se neng sa gaisana le sa Norway mo Sejaneng sa Nelson Mandela sa ngwaga le ngwaga.

Kgosi ga mmogo le Bafokeng ba ne ba amogela baeti ba le mmalwa ba maemo a a kwa godimo ba kgwele ya dinao le ba bangwe. Gareng ga bone go ne go na le Motlotlegi Mohumagadi Rania Al Abdullah wa Jordan, Tonakgolo ya Porofense ya Bokone Bophirima Edna Molewa, Motlatsa Tona wa

Baeteledi pele ba bantsi ba ne ba tllile kwa pulong ya lebala la metshameko



Kopano le batshameki: (Go tswa ka fa molemeng) Tonakgolo ya lekoko la ANC Jacob Zuma, Inkosi Mandla Mandela le Kgosi Leruo Molotlegi

Maphelo Dr Molefi Sefularo, Tonakgolo wa ANC Jacob Zuma, Kgosi Mandla Mandela, Makwaledi Kakaretso wa FIFA ebong Jérôme Valcke, Moporesidente wa SAFA ebong Dr Molefi Oliphant, modulasetulo wa Local Organising Committee ebong Irvin Khoza.

Kgosi o ne a re: "Ke selo se se tlotlomatsang thata go bo Royal Bafokeng Sports Palace e le lefelo le le amogelang Sejana sa Lefatshe sa FIFA 2010. Lebala la rona la metshameko la 2010 ke lone fela le eleng la morafe mo Aforika Borwa gape ke lebala la nilha la metshameko le le neng la buletwa FIFA Confederations Cup le Sejana sa Lefatshe sa FIFA sa 2010 semmuso."

Babogedi ba ne ba itumedisiwa ke badiragatsi ba kwa Lefaragatlha, fa babini ba setso le

setlhophha sa baetsi ba mmimo wa brass ba ne ba dira ka botswerere ka nako ya boikhueto ya motshameko le bana ba le 1200 go tswa mananeong a RBS.

Norman Mekgoe wa kwa motseng wa Luka o ne a itumedisiwa thata ke go nna karolo ya diitragalo tsa letsatsi leo. "Ke ikutlwa ke le lesego thata go bo ke kgonne go bona lebala la metshameko le le tllileng go amogela 2010," a rialo, a bua maikiutlo a a tshwanang le a maloko a le mantsi a morafe a a neng a tllile go bogela pulo eo ya bothokwa. "Lebala la metshameko le le tlhabolotsweng le lentle thata ebile le siametse go amogela metshameko ya 2010," ga tlatsa jalo Motlatsi Motepe yo le ene a tswang kwa Luka.



Modulasetulo wa Local Organising Committee Irvin Khoza o tsaya karolo mo pulong ya lebala la Royal Bafokeng



Batshegetsi ba Bafana Bafana ba tllile ka makatlanamane

Pulo ya lebala la metshameko le lentšha



Bafana Bafana le Norway di kwa mogopong wa Nelson Mandela Challenge



Setlhophsa sa mmino wa setso sa kwa Lefaragatlha

Morago ga molelo wa pulo ya semmuso, kgaisano ya kgwele ya dinao e e neng e sa bolo go letelwa ya simolola. Setlhophsa sa Aforika Borwa, se se tlhokileng lesego gantsi mo nakong e e fetileng kgatlhanong le diithopa tsa Yuropa, se lebeaga e le sone se se tla fenyang balekane ba bone ba Yuropa. Kana phenyo ya bone ya bofelo kgatlhanong le setlhopa sa Yuropa e ne e le ka 2002 fa ba ne ba fenywa Slovenia mo kgaisanong ya Sejana sa Lefatshe.

Mme go ne ga lebeaga seemo se sentšhwa sa marata-go-lejwa le dinaletsana tse di neng di bogetse di ne tsa ba tlhohlheletsana.

Bernard Parker, yo o neng a tshameka bonitile kwa tshimologong, o ne a nosa nno ya nitlha ya motshameko mo metsotsong e e lesome ya nitlha. Morten Pedersen wa Norway o ne a lekalekanya dino, mme fela fa go ne go lebeaga motshameko o tla felela e le maleka, Aforika ya ntsha ga tshwene. Sipihiwe Tshabalala yo o neng a tsentswe mo boemong jwa mongwe a phampamolola kgwele ya feta motshwaradino wa Norway John Knudsen, go naya Aforika Borwa phenyo.

E ne ya nna bokhutlo jo bo tshwanelang letsatsi le le kgatlhisang leo. Ka nako ya ditsamaiso tsa

go tswala, Kgosi o ne a naya Bafana Bafana e e itumetseng, sejana sa Kgaisano ya Nelson Mandela, fa Mpaki Pule yo o leng Molaodi wa Dikamano tsa Dikabo, a ne a amogela R750 000 ya Letlole la Bana la Nelson Mandela.

Motshameko o ne o bulela ketelo ya batshameki ba Maboritane le Ireland ba Lions le FIFA Confederations Cup e e tla simololang ka Seetebosigo. Lebala la metshameko, le eleng lefelo la a le mane a a rulaganyeditsweng tiragalo e e umakiwang fa godimo, le tla amogela, gareng ga e mengwe, motshameko gareng ga Spain le New Zealand.

Lebala la metshameko la maemo a boditšhabatšhaba

Maloko a Morafe wa Royal Bafokeng ba ka nna motlotlo ka Lebala la Metshameko la Royal Bafokeng. Ke lone fela lebala la metshameko le eleng la morafe mo Aforika Borwa, mme gape ke lebala la metshameko la nitlha go siamela Sejana sa Lefatshe sa 2010 le le butsweng semmuso ke FIFA.

Lebala le le tlhabolotsweng leno la metshameko le na le manno a le 43 500 le manno a batlotlegi a okeditswe. Dipopego tse dingwe ke borulelo jo boshwa, dipone tse dikgolo tse di tlhabolotsweng le mafelo a a

oketsegileng a go paka dikoloi. Gape le tlhaga e ntšha. Go dirilwe gore go nne motlhofo go tsema mo go lone ka go agiwa ga matsibogo a mabedi a masha. Go tsentswe dilifiti tse dintsha di le pedi ga mmogo le disekerine le dibidio tsa tsamaiso e ntšha ya go bua le morafe, thelebishine ya tshireletsego le ditsamaiso tse dintsha tsa IT.

Sekolo sa Matala Middle se se bapileng le lebala leo se baakantswe go se kgonisa go dirisiwa diithopha ke tse dikgolo tsa bobegadikgang tse di lebeleletsweng go

nna teng mo diiragalong tse dikgolo tsa metshameko kwa lebaleng leno. Melemo e mengwe e e tla tlisiwang ke seno e akaretsa tsela e ntšha e e dikologang legora la lebala la metshameko, ga mmogo le tsela e e golaganyang lebala la metshameko le tsela e ntšha ya makgabaganyo e e ka fa Bophirima.

Go tlhomamisa gore diiragalo di tsamaya sentle, ka dinako tsoitlhe, go tsentswe le dijeneraitara tse pedi tse dintsha tsa maemo a tshoganyetso.

Diporojeke tsa Styldrift di a simolola



Magosi Tumagole Motsamaisi wa RBN wa tsa setso, Kgosi Leruo Molotlegi le Neville Nicolau, Mokhuduthamaga yo Mogolo wa Anglo Platinum

Morago ga moletlo wa go keteka tshimololo ya porojeke ya tshwaraganelo-kgwebo ya Styldrift gareng ga Royal Bafokeng Holdings (RBH) le Anglo Platinum ngogola, porojeke eno ya dibilione di le R 10.3 e ne ya simolola semmuso ka Mopitlwe a le 2, 2009 fa metshine e e epololang lefatsho e tlisiwa mo setsheng go phepafatsa lefelo go baakanyetsa go nweidiwa ga shafote. Le fa go nse jalo, ka baka la kwelotlase ya diithothwa tsa dimetale tsa sethlopha sa polatinamo (di-PGM) le phokotsego ya madi, tiriso e kgolo ya tshetele ya 2009 le 2010 e beetswe kwa thoko. Se se raya gore porojeke e e tla tswela ka tsela e e bonya go na le jaaka go ne go lebeletswe pele. Le fa go nse jalo, go ntile le katlego malebana le go bonwa ga tetla go tswa go mmuso e e leng bothokwa pele ga go ka simololwa go epa meepo.

Metse e e amilweng ke porojeke e, e tla bona maungo a porojeke mo sebakeng se sekhutshwane. Ga jaana go rulagannwa togamaano e e tla lebisang ko go tseyeng

karolo ga banni-le-seabe go netefatsa gore ditebelelo tsa baagi ba lefelo leo di a diragala le go dira gore ba nne ba itse ka diithabololo le go ba itsise fa porojeke e tsamayang teng.

Porojeke eno – e e leng gaufi le Shafote ya kwa Bokone ya Bafokeng Rasimone Platinum Mine (BRPM) e ile ya supiwa ka 2002 ga mmogo le karolwana ya Frischgewaagd le Boschkoppies jaaka dikarolo tsa bofelo tse dikgolo tsa Western Bushveld Merensky Reef tse di e seng di batlisisiwe.

Prince Bothata Molotlegi le Mokhuduthamaga-Mogolo wa Anglo Platinum, ebong Neville Nicolau ba ne ba okame moletlo wa go ribololwa ga lekwete o o neng o tshwaretse kwa BRPM ka kgwedi ya Ngwanatsele a le 6 2008. Baeti ba ka nna 400, ba ba neng ba akaretsa baemedi ba RBH le Anglo Platinum, mebuso ya bommasepala le ya diporofense, baagi le borradikgang ba ne ba le gone kwa tiragalong eo. **Kgosi** Leruo Molotlegi e ne e le sebui segolo.



Setsha sa go ribolola lekwete: (go tswa go la molema) Neville Nicolau, Mokhuduthamaga yo Mogolo wa Anglo Platinum, Jerry Thibedi, Tona ya Bokone Bophirima ya Public Works, Fritz Neethling, Mokhuduthamaga wa Engineering le Projects wa kwa Anglo Platinum le Kgosana Bothata Molotlegi

“Go epiwa ga polatinamo go ka nna le seabe mo katlegong ya morafe segolo bogolo go baagi ba ba nnang gaufi thata le ditiro tsa go epa,” ga rialo **Kgosi**. “Go simolola ka Leano la Loago le tsa Tiro (Social and Labour Plan) le BRPM e tla di le dirisang ka porojeke eno, go ya go Lefapha la go Akaretsa Morafe (Community Engagement), Lefapha la Tikologo, Anglo Group Properties, Mmasepala wa Rustenburg, Mmasepala wa Kgaolo ya Bojanala, ke tlhomamisa gore dikgallhego tsa baagi ba lefelo le di tla tlhokomelwa mo tsamaong ya botshelo jwa moepo ono.

Go solofelwa gore porojeke eno e tla ntsha di-aonse di ka nnang dimilione di le 5.4 tsa polatinamo mo tsamaong ya botshelo jwa moepo jo go solofelwang e tla nna dingwaga di le 27 le gore go tla tlhamiwa ditiro tse di fitlhang go tse 4 000 ka 2035. Ditshono tsa go ikatisa le tsa tlhabologo le maungo a mangwe a ikonomi le loago di tla nwa badiri le maloko a morafe jaaka porojeke eno e ntse e tswela.

Royal Bafokeng, ka RBH, go laola le go tsamaisa JV

Pele ga tshimololo ya Porojeke ya Styldrift, go ne ga itsisiwe tumalano ya go baakanya dilo sešwa gareng ga RBH le Anglo Platinum, go baakanyediwa gore go tle go bopiwe setlamo sa di-PGM se se laolwang ke batho ba Aforika Borwa ba go ya ka historio ba neng ba sa tshwarwa sentle [Historically Disadvantaged South African (HDSA)] go ya ka maitlamo a Anglo Platinum a go tiisa ikonomi ka bophara ya motheo wa batho bantsho [broad-based economic empowerment (BEE)].

Tiragalo e e tla netefatswa ka go tlhomiwa ga NewCo Platinum, setlamo se se tla simololang go laola ditiro tsothe tsa ga jaana le tsa nako e e tlang tsa tshwaraganelo-kgwebo ya BRPM mme se tla laolwa ke RBH ka boikemelanosi. Ditirelo tsa tshetso ya botsamaisi le tsa botegeniki ga jaana tse di newang ke Anglo Platinum di tla fudusiwa go tswa go Anglo Platinum go ya go NewCo mo sebakeng sa magareng ga dikgwedi tse 12 le tse 24.

RBH e naya Lekgotla le Legolo ditaelo malebana le topamaano

Ditogamaano tsa Royal Bafokeng Holdings mo nakong e ya mathata a ikonomi a lefatshe ka bophara e ne e le setlhogo se segolo sa kopano e e neng e tshwerwe ya RBH le Supreme Council ya Royal Bafokeng Nation (RBH).

Maloko a ka nna 44 a Supreme Council a ne a nna teng mo pontshong eo, e e leng karolo ya kabelano-tshedimosetso ya ka metlha ya RBH.

Mokhuduthamaga wa RBH ebong Niall Carroll o ne a bolela ditsela tsa bolhale tsa setlamo tsa go kokobatsa maemo a a makgwakgwa a kgwebo.

Tsone di akaretsa:

- go laola tiriso ya ditshelete;
- go rulaganngwa gape ga dithoto;
- go tshegetsisa le go godisa dithoto tsa bolhokwa mo di peeletsong tsa rona tsa meepo, tsa ditshelete le tsa ditlhaeletsano le mafaratlhatlha
- go godisa motheo wa dithoto ka ditsela tse di farologaneng; le
- go godisa le go dira motheo wa dithoto ka ditsela tse di farologaneng; le
- go baya leitho thata mo dipeeletsong tsa loago.

Malebana le ya nitlha e ya bofelo, Carroll o ne a bolela gore se se akaretsa go aga bokgoni le mo dikarolong tse e seng tsa tsadiso ya madi tsa RBH – e leng Royal Bafokeng Sports (RBS), Royal Bafokeng Enterprise Development (RBED), mananeo a RBN a thuto le boitekanelo, lenaneo la RBH la go beeletsisa mo loagong le Impala Bafokeng Trust (IBT).

Malebana le dikgwebo-potlana le tsweliso ya bokgoni, RBH e ne ya akantsha gore go nne le setlamo se sepotlana kwa thoko kgotsa letlole le le tla gogelang le go bopa dikgwebo tse dipotlana go tlhama ditiro mo kgaolong ya RBN.

Fa go lebelwapele go 2011, Carroll o ne a bolela gore RBH e lebeletse kgolo malebana le boleng jwa dithoto tsa yone tsa kgwebo go tloga go di bilione tsa di ranta di le 22.5. Photefolio ya tsadiso e tla tswelela go ikaega ka tsa meepo, di latelwe ke, ditlhaeletsano, mafaratlhatlha mmogo le ditirelo tsa ditshelete. Gape tsamaiso ya ditshelete e tla tswelela go laolwa sentle.

Go tla nna le tshetele e e lekaneng go tlhokomela tsa loago, tsamaiso ya Bafokeng le Royal Bafokeng Institute.

Royal Bafokeng Enterprise Development

Tiiso ya tswelediso ya ikonomi ya selegae

Lefapha la Local Economic Development – le pele le neng le wela mo tlase ga taolo ya Royal Bafokeng Administration (RBA) – jaanong le wela ka fa tlase ga Royal Bafokeng Enterprise Development (RBED) e leng setlamo sa section 21 (se e seng sa go dira morokotso). RBED yone e wela ka fa tlase ga RBH ka botlalo.

RBED e netefatsa tswelediso ya dikgwebo e bile e tshegetsa gore ditirelo kgotsa diithoto di rekwe mo gae fa di le teng. E dira jaana ka go baya leilho thata mo go thuseng dikgwebopatlana le dikgwebo-magareng (SMMEs) ka dikgato tsa tshimololo-kgwebo, tsa go e tsweledisa pele le go netefatsa kgolo ya yone. Go gatelelwa thata koketso ya bokgoni le katiso, bogolo jang ya basha ba ba sa thapiwang, go tsamaisana le ditiro tse di tlholwang ke puso.

Go oketsa seemo sa banaya-ditirelo ba selegae, go tlhamilwe dikgolagano le bagwebi ba re dirisanang le bone. Go setse go tlhomilwe batsamaisi ba dikgolagano tse di magareng ga rona le BRPM le Impala.

RBED e dira ka tshwaragano thata le batsamaisi ba diithoto tsa diithoto, maikaelelo e le go tokafatsa ka fa go rekwang diithoto le ditirelo ka teng mo gae le go nyalana batsamaisi ba le di-SMME tsa Bafokeng.

Tiro e nngwe e ntsha e e simolotsweng ke RBED ke go etleetsa Platinum Club, e e tsenelwang fela ke dikgwebo tse di nang le mekgwa e e mentle ya kgwebo go akaretsa tsamaiso e e siameng, go tsamaisana le tsa semolao le go diragatsa melao ya lekgetho, le fa e le gore 35% ya setlamo seo ke baagi ba Bafokeng. Dikgwebo tse di ka nngang 18 di setse di tlhophilwe go jaana gore di nne maloko a Platinum Club.

Dan Mogami, yo pele a neng e le wa Gauteng Economic Propeller, o tlhomilwe go nna Mokaedi Motsamaisi wa RBED. O patilwe mo botong ya nakwana ke Khumo Seopela, Lucas Ndala, Gillian Kettaneh le Thandi Cwati.

Dikpano tsa setlamo

Go tlhomalelho mo go Fraser Alexander



Fraser Alexander e wela mo tlase ga RBH ka botlalo, ke ngwe ya ditlamo tse RBH e beleeditseng mo go tsone mo karolong ditirelo.

Karolo e ya ditirelo e e akeretsang ditlamo di le 10-ke ya boithokwa ka e na le ditshono tsa go tlhola ditiro. Fraser Alexander e simolotswa ke Fred le Fraser Alexander ka

ngwaga wa 1912 go thusa ka go ntsha lešwe le le salelang go fa go epiwa gouta, ke bona ba nilha go dirisa di cocopans go ntsha lešwe la meepo. Mo dingwageng tse 97 di fetileng setlamo se ne sa oketsa photofolio ya kgwebo, gompiano ke baeteledipele mo go ntshiweng ga lešwe le le salelang ko dikarolong tsa meepo



– go banka ka mogala wa letheka

Go ya mafelong a 2008 RBH e dirile peeletso e nngwe gape mo karolong ya ditirelo ka go itsise tshwaraganelo-kgwebo ya 50:50 le Wizzit Bank, e leng karolo ya South Africa Bank of Athens Limited. Tshwaraganelo-kgwebo e, e e tla itsiweng jaaka Wizzit Platinum, maikaelelo a yone ke go naya setšhaba sa Bafokeng ditirelo tsa go banka.

Dibanka tse dikgolo ka tlwaelo di thusa batho ba ba simolololang go banka ka diakhaonto tsa di poloko-madi le ka di ATM fela mme se se tlogela batho ba le bantsi kwa ntle.

Wizzit e simolotse tsela e e sa jeng madi a mantsi go thusa batho ba bantsi ba ba sa

bankeng gore ba banke ka go dirisa mogala wa letheka– o o supilweng fa e le sedirisiwa se segolo sa tlhaeletsano mo lefatsheng lotlhe. Ka thekenoloji ya go banka ka mogala wa letheka, batshodi ba akhaonto ya Wizzit ba ka bona ditirelo tse di feletseng tsa go banka. Sebopego sa Wizzit se letla beng ba diakhaonto gore ba duele dikoloto, ba tlhole le go fudusa madi – ka mantswa a mangwe Wizzit e letla sengwe le sengwe ntle le go gogiwa ga tšhelele!

Ka nako ya tshimologo ya porojeke e, Niall Carroll, e leng Mokhuduthamaga yo Mogolo wa RBH, o ne a bolela jaana: “70% ya morafe wa RBN ga ba banke mme ga ba kgone go

bona diitsela kgotsa diitsompelo tsa go bula akhaonto ya banka le dibanka tse dikgolo.” Maikaelelo a tshwaraganelo-kgwebo ya Wizzit Platinum ke go fetola se mme e dumalana le maikemisetso a RBN a go nna le morafe o o tlhagafetseng malebana le ikonomi ka ngwaga wa 2020.

Mosola o mongwe wa Wizzit ke go tlhola diithono tsa go bona tiro. Setlamo se thapile batho jaaka barekisi ba tlhamalalo ba thulaganyo ya Wizzit. Baemedi bano, ba ba bidiwang Wizzkids, ba bona khomishine ya akhaonto nngwe le nngwe le kamogelo e e thailweng mo palong ya tiriso ya akhaonto ke mong wa yone.



Go lwela diabo tsa Vodacom

Sekema sa Vodacom sa YeboYethu se ka sone batho ba ba neng ba sena diithono ka nako ya mebuso e e fetileng ba ka iponelang diabo tsa Vodacom se wetswe godimo ka tlhoafalo ke mmara wa BEE. Kwelo godimo e e fetile diponelo-pele tsa setlamo sa Vodacom. Palo e e fetang e neng e solofetswe e dirile dikopo tsa go reka diabo. Mme kae le diabo di le di milione di le 14.4 fela tse di neng di abiwa batho bangwe ga ba kitla ba bona diabo.

Palo e e ka nnang 60% ya bakopi e ne e le ba diabo di le 100 e leng jone bonnyane jo bo

dumeletsweng jwa diabo. Mme 50% ya dikopo e ne e le tsa basadi.

Alan Knott-Craig, o a neng a le Mokhuduthamaga yo Mogolo wa Vodacom Group, o ne a re palo eo ya 60% e bontsha gore maithomo a Vodacom a go rotloetsa go matlafatswa ga bantsho a fitlheletswe.

Diabo tse di dimilione tse 14.4 tsa YeboYethu di lekana le 30% ya tumalano ya BEE ya Vodacom.

Diperesente tse 45 tsa diabo tse di setseng di ne tsa rekisediwa Royal Bafokeng Holdings le Thebe Investment, mme 25% e abetswe badiri ba Vodacom.

Boikarabelo jwa rona kwa loapo



BTE e phutholola letsoho go thusa dikholo

Morago ga loeto la ngogola le le neng la atlega la dikolo ka kgwedi ya Motsheganong go ya go ya Lwetsi, Black Tie Ensemble (BTE) e tla tsema mo tseleng gape mo ngwageng ono gareng ga Moranang 19 go ya go 24.

Maikaelelo a maeto ano ke go itsise baiithuti ba ba botlana ka ga opera le go kgothaletsa ba ba nang le talente eo go akanyetsa opera jaaka tiro e ba ka e dirang mo botshelong jwa bone mme e se fela ya go itlosa bodutu.

Pontsho ya mo tseleng e e neng ya dirwa ngogola, e e neng e eteletswa pele ke Unathi Mtirara, e ne ya etela dikolo di le 16 mo lenaneong leo lotlhe mo kgaolong ya Rustenburg/Bafokeng la porofense ya

Bokone Bophirima.

Ka kgwedi ya Motsheganong 2008 BTE e ne ya bontsha bareetsi ba ba neng ba itumela fela thata Act 1 ya opera ya khomiki ya Mozart ya *Cosi fan tutte*. Baiithuti ba ka nna 3 400 ba dikolo tse di potlana – tsa Tantanana, Motsetle, Kanana, Tlhaoletsang, Matlhware, Kale, Saron, le Moremogolo – ba ne ba nna sebetse sa go emelana le serame go ya go bogela tiragatso eo.

Ka Lwetse 2008, BTE e ne ya etela dikolo di le robedi – tsa Rasimone Intermediate School, Mafenya Middle School, Molotlegi Middle School, Lebone II, St Gerards Majella, Keledi Middle School, Seolo Middle le Matsukubyanane

Middle School – palo ya baiithuti e e ne ya fitlha go le 3 000. Maloko a BTE a ne a ipaakanyetsa lenaane le le kgethegileng la baiithuti go ba letlelela go tsaya; e go ba ithuta dilo tsa motheo le go tlhloganya opera.

Baiithuti ba le 14 750 ba dikolo di le 24 ba bone maungo a lenaneo leo e sale go simolola ka 2007. Malebana le katlego ya lone, Unathi o ne a re: "William Shakespeare o ne a re fa e le gore mmimo ke dijo tsa botshelo, tswelela o o letse". A re "setšhaba se se opelang ke setšhaba se se itumetseng. Go mo go rona go dira batho ba Bafokeng morafe o o itumetseng leo o opelang."



Leeto la BTE kwa sekolong se se potlana sa Lefaragatlha

Inkhubeitara ya BTE e simolola go thusa



Ba tsaya karolo mo Don Pasquale quartet: *E rismasto lá impietrato* kwa seraleng sa State Theatre

Babadi ba Podi-Ya-Tsela ba itse thata leina la ga Tshepo Dikale. Fa a seo mo ditsebeng tsa lekwalo leno la dikgang, Tshepo o fitlhelwa a loetsa bokgoni jwa gagwe kwa South African State Theatre ko Pretoria.

Tshepo ke moja maungo a Black Tie Ensemble Incubator Scheme, o ne a tlhophiwa ka nako e Black Tie Ensemble e neng e dule letsholo go batla talente mo Phokeng, o ne a santse a le mophatong wa marematlou. Lenaneo la katiso ya ga Tshepo le ne la simolola ka kgwedi ya Moranang 2008 mme le tla tswelela go fitlha

ka Sedimonthole 2010. Fa e sale le simologa, lentswe la gagwe le lentle la thenara le botho jo bo bontle jwa gagwe di lemogilwe ke Arnold Cloete, Mokaedi Moitsamaisi wa Black Tie Ensemble, yo o boelang gore Tshepo ke moithuti yo o bothale thata le yo o tlhagafetseng.

Jaaka Incubator, Tshepo o fetsa malatsi a gagwe a katisediwa lentswe ke mokatisi wa gagwe wa kopelo, ebong Louis Botha. Gape Tshepo o dira ka melha le bakatisi ba mantswe mo dikarolong tse di tshwanetseng bokgoni jwa lentswe la gagwe. Ntle le katiso

e ya moithuti a le mongwe ka nako, Tshepo o tsaya karolo gape mo dithutong tsa setlhopha tse di akaretsang dithuto tsa dipuo tsa se-Italy le Sejeremane, le tsa bokgoni jwa mo seraleng, bodiragatsi, go itlota sefathhego, le histori ya tsa serala le ya bodiragatsi.

Fa ba ntse ba ikatisa, di-Incubator bona ledinyana kgwedi le kgwedi go tswa go Black Tie Ensemble (BTE). Gape badiragatsi ba etleediwa ke ditlamo kgotsa batho bangwe ba ba ikutlwang. Thulaganyo ya go etleetsa di Incubator e thusa gore di amogele lotseno le le tlhomameng kgwedi le kgwedi la R1 000 – e le tlhokomelo ya tsa ditšhelete e maikaelelo a yone e leng go ba letlelela gore ba tlhame mogopolo mo dithutong tsa bone ba lebele ka mathata a mangwe.

Mo nakong eno Tshepo o etleediwa ke Russel and Associates, setlamo sa dikgakololo tsa ditlhaeletsano mo Johannesburg. Ditlamo, bogolo jang ditlamo tse RBH e beeleletseng mo go tsone, di rotloedwa go etleetsa diopedi tse dingwe go thusa go tlhomamisa isagwe ya baopedi ba basha ba Opera mo Aforika Borwa.

Se se itumedisang beng ba dikhwaere

Barutabana ba morafe wa Royal Bafokeng ba ka nna 30 ba ne ba amogela taletso ya ba BTE ya gore ba nne teng kwa katisong ya malatsi a mabedi a beng ba dikhwaere kwa Lebone II College mo Phokeng, e e tshwereng kwa bofelong jwa Phatwe.

"Sekolo sengwe le sengwe mo kgaolong e se tshwanetse go nna le lenaneo le le rulagantsweng la mmimo, le tsamaisiwa ke morutabana yo o katisitsweng wa mmimo, le le tsentsweng mo kharikhulamong," go buile jalo Unathi Mtirara, mongwe wa barulaganyi ba katiso go tswa go BTE.

Mo pontshong ya DVD, barulaganyi ba katiso ebong Gareth Dry wa Lebone II le mong wa khwaere ebong Michael Dinga ba ne ba bontsha mefuta e e farologanneng ya go opedisa. Seno se ne sa latelwa ke nako ya gore batla katisong ba tseye karolo ba opedise go tsenya tirisong se ba se rutilweng. Gape go ne

ga beelwa nako kwa thoko ya go buisana kaga dilo tse di amanang le tiro ya go opedisa tse di akaretsang boitekanelo jwa lentswe le taolo ya khwaere, ga mmogo le dikgweltho tse di tshwanang le go tshegetswa ka tshelete le didirisiwa.

Dave Ryan wa Royal Bafokeng Institute o ne a dumalana gore go a eletsega gore sekolo sengwe le sengwe se nne le dipiano le di marimba ka 2010, ga mmogo le didirswa tse dingwe tsa mmimo tse di tshwanang le dibuka tsa mmimo. O ne a tswelela ka gore mmimo o tshwanetse go lebiwa ka leitlho le sele, gape o ne a kgothaletsa morafe go bontsha botswerere jwa dikolo tsa bone ka melha mme eseng fela ka nako ya dikgaisano.

Baemedi, ba botlhe ba ne ba dumalana gore ikatiso eo e ntle e e itumedisang le e e nang le mosola, ba ne ba amogela kgetsana e e tswang go ba RBH e tletseng dilo tse dintle go tswa go Edumusic.



Baopedi ba setlhopha sa BTE

Lefelo la tsa metshameko

Mafelo a metshameko a marata go lejwa

Lefelo la metshameko la marata go lejwa la Phokeng, le tla simololwa ka Ngwanatsele monongwaga.

Lefelo le le dikilomitara di le 10 go tswa fa lebaleng la metshameko la Royal Bafokeng kwa bokone jwa Phokeng, lefelo leno la metshameko le le dirisediwang dilo di le dintsi le tla ikgantsha ka hotele ya metshameko ya diphaposi di le 60 e nang le didirisiwa tsa dikhomferense. Go tla nna gape le borutelo jwa metshameko. Bagaisani ba tla kgona le go dira ikatiso ya mogote o o kwa godimo mo lefelong le la boikatiso le le nang le didirisiwa

tsotlhe go akaretsa le tsa go alafa dikgobalo tsotlhe tsa metshameko mo karolong ya kalafi. Ntlo ya sethopa ya Platinum Stars e tla agiwa mo lefelong le. Lefelo la metshameko le tla thusa go tseledisa ditiro tse dingwe tse di amanang le metshameko tse di tshwanang le bokatisi, tsamaiso ya metshameko, kalafi le melemo ya metshameko.

Lefelo le la metshameko, le le tla bong le na le didirisiwa tsa metshameko tsa mefuta e e farologaneng go akaretsa mabala a kgwele ya dinao a robongwe, ao a mabedi a one a tla bong a dirilwe ka bojang jwa maitirelo jwa

seemo sa FIFA, le tla ikgantsha gape ka lebala la diatleletiki, mabala a thenese, mabala a bolotloa le mafelo a go ikatisetsa a mo teng ga ntlo.

Lefelo le la metshameko le tla gogela metshameko ya maemo a a kwa godimo mme le solofelwa gore le tla rotloetsa le bojanala jwa metshameko mo kgaolong e, le go tlisa melemo ya ikonomi go baagi. Bana ba sekolo le bone ba tla tswelwa molemo ka tshegetso ya saense malebana le thuto kaga dijo le boikatiso.

Setshwantso sa motaki sa hotele



Tswelediso ya metshameko

Kotulo ya meputso

Tshimologo ya tswelediso ya metshameko ya Royal Bafokeng mo tsamaong ya ngwaga wa 2007, 2008 le 2009 e simolotse go kotula meputso, ka go ama matshelo a batshameki ba ba morafeng go ralala kgaolo. Dikgang di se kae tsa phenyo ke tseo di a latela:

Kgwele ya dinao

- Ka ngwaga wa 2007 go ne ga tlhomiwa lenaneo la kgwele ya dinao ebong Samba Soccer
- Bakatisi ba le supa go tswa Brazil ba ne ba katisa metshameko mo baneng ba le 5000 (ba ba magareng ga dingwaga di le thataro go ya go di le 13) go ralala metse ya Bafokeng
- Baiithaopi ba ba ntsha ba le 450 ba katisitswe
- Bana ba le 450 ba ntse ba amogela katiso e e tseletseng go tswa go mokgatlo wa tswelediso
- Bakatisi ba le 40 ba ne ba tsenela workshop ya batshwara dino ka Lwetse 2008

Diatleletiki

- Ka Lwetse 2008, bana ba le 108 ba ne ba tsaya karolo mo national cross country championship kwa Porefenseng ya Mpumalanga
- Ka Mopitlwe 2009, kopano ya batabogi ba bagolwane e ne ya tshwarelwa kwa Stellenbosch, Bafokeng ba le 22 ba tsere karolo mo ditiragalong tse di farologaneng. Ba ne ba iponela di gouta di le pedi, selefera di le nne le di bronze di le nne. Di gouta tse pedi di ne tsa fengwa ke Tsholofelo Thipe
- Mo mafelong a beke a bofelo a Mopitlwe 2009, batabogi ba le 22 ba Bafokeng ba ne ba tsaya karolo ko dikgaisanong tsa Track and Field tsa Aforika Borwa tsa ba ba botlana, le ba ba kwa tlase ga dingwaga tse 23 tsa kwa Unibesithing ya Tshwane

Bolotloa

- Metse e le some a mabedi le botlhano (25) e ne ya gaisana mo leking (league) ya magareng ga metse
- Ditlhopa di le 25 di ne tsa gaisana mo leking ya Bojanala

- Bakatisi ba le 30 ba a katiwa
- Batshameki ba le bararo ba ne ba bona mebala ya profense
- Batshameki ba le babedi ba ne ba bona mebala ya boseshaba
- Basadi ba le 30 ba ne ba tsenela katisetso ya workshop ka Lwetse 2008 go kgona go nna batsereganyi ba bolotloa

Karate

- Ka 2007, karate e ne ya itsisiwe mo morafeng. Ga jaana karate e na le ditlhopa tse di simolotsweng mo metseng e le 24
- Bana ba le 1 200 ba katiwa gabedi mo bekeng ke bakatisi ba tlhathlwa
- Setlhopa sa karate sa Metshameko sa Royal Bafokeng se na le maloko a le 1 500, ba ikwadisitse le South African Japan Karate Association (SAJKA)
- Ka Motsheganong 2007, bana ba le 123 ba ne ba tsaya karolo mo dikgaisanong tsa National Karate Championships kwa Johannesburg, ba ikgapela di medal dile 15 tsa gauta, di medal di le 20 tsa selefera, di medal tsa bronze di le 34
- Ka kgwedi ya Lwetse, 2008, maloko a ditlhopa tsa karate a ne a tsaya karolo ko dikgaisanong tsa National JKA Elite Championship (e e nang le baatlhodi ba le supa), ba ne ba fenywa di gouta tse tlhano, selefera tse thataro le di bronze tse 32
- Gape ka yone kgwedi ya Lwetse 2008, kgaisano ya ntsha magareng ga metse e ne ya tshwarwa ko Lesung

Rakibii

- Lenaane le le ntsha la "Coach the Coaches" le ne la tlhomiwa ka kgwedi ya Diphlane 2008, baithutela-bokatisi ba le 70 ba ne ba tsaya karolo. Dikatiso tse di ngwe di tla tshwariwa ka Moranang le ka Phatwe 2009
- LRakibii e itsisiwe baagi ko dikgaolong tsothe tse tlhano tsa morafe wa Bafokeng. Se se simolotse ka Tlhakole mme se tla fela ka Motsheganong 2009
- LKgaisano ya mantshano ya dikolo e tla tshwarwa kwa di kgaolong tse tlhano go simolola ka Moranang go fitlhelela ka Seetebosigo 2009



Royal Bafokeng Sports development



Martial arts at Tsitsing sports field

PODI-YA-TSELA GRAPEVINE

Batho ba rona

Setlamo sa Metair se beeletsa mo loagong ka laboratoro ya dikhomputara

Porojeke ya Serutube Primary School le Metair e ne ya simololwa ka 26 Ngwanatsele 2008 morago ga go tlhongwa ga lefelo le le dirang ka botlalo la dikhomputara go thusa bathuti. Metair Investments, nngwe ya dihlamo tse RBH e tsadisang mo go tsone, e ne ya abela sekolo se se kwa Kanana dikhomputara di le 10, server le segatso. Gape e tla baakanya dikhomputara tse kwa ofising ya yone e e kwa Rustenburg, ga mmogo le go naya katiso kafa go tlhokegang ka teng. Ka kgolagano ya yone le Lefapha la Thuto,

Royal Bafokeng Institute e tla naya software ya MS le go thusa ka katiso ya go ruta le tshegetso ya IT.

Laboratoro e ntshwa e tla tswela bathuti ba ba 105 le barutabana ba le bathano molemo. Metair e abile diitshetele tsa porojeke e morago ga ketelo ya kwa sekolong seo ke ba Black Tie Ensemble. BTE e setse e iponetse Toyota Yaris e e abilweng ke Metair gore e kgone etela dikolo mo Phokeng go di itsise ka mmimo wa Opera.



(Mola o o kwa morago) Matshidiso Molefe, RBH's CSI Manager (wa boraro go tswa kafa molemeng), le Dipuo Rabaji, Magokgo wa Serutube Primary School (wa bothano go tswa kafa molemeng), ba kopana le barutabana le bathuti mo lefelong la dikhomputara.

Letlole le tiisa morafe



IBT

Impala Bafokeng Trust

Impala Bafokeng Trust (IBT), letlole la morafe le maikaelelo a lone e leng go aga morafe o o itsweledisang, le ne la tlhomiwa ke ba Implats, le RBN ka Lwetse 2007. Letlole le le ikaeletse go tokafatsa matshelo a batho mo kgaolong ya Bojanala le Porofense ya Bokone Bophirima ka kakaretso.

Letlole le lebeletse thata go fenywa dikgwetho tsa ka potlako tsa loago le ikonomi tse morafe o lebaneng le tsone. Go gateletse bogolo jang mo tsweledisong le tlhathlelong ya basadi, IBT e na le dikarolo di le tlhano tsa bothokwa tse di tshwanetseng go dirwa pele.

- Thuto: re tshegetsa tswelole ya bana le tswelediso ya diithuto tsa dipalo, saense le thekenoloji, le thuto ya Seesemane mo dikolong ga mmogo le diithoko tsa kakaretso tsa dikolo go di thusa gore di rute thuto e e nang le boleng.
- Boitekanelo: re tshegetsa ditiro tse di dirang gore go nne mothofo go bona tlhokomelo ya boitekanelo le go tlaleletsa le go tshegetsa ditiro tse puso e di dirang mo go tsa boitekanelo.

- Go dirwa ga lotseno: go rotloetsa go itshelela go go nnetseng ruri le go go tsweledisang le go rotloetsa ikonomi e e tlhagafetseng e e dirang, go akaretse go rotloetsa bogwebi le bokgoni jwa kgwebo.
- Metshameko: letlole le lebile thata diporojeke tse di tsweledisang metshameko e e akaretsang baagi ba ba ntsi le tse di tsweledisang botswere le diithono tsa dikgaisano tsa metshameko.
- Go tsweledisa bokgoni jwa ditheo: Re beeletsa mo go tiiseng bokgoni jwa ditheo le go natlafatswa ga tsone go tshegetsa tiro e RBI e e dirang mo morafeng le mo mekgathong e e sa direng morokotso mo kgaolong.

Gore o thusiwe ke IBT o tshwanetse gore o:

- be o kwadisitse jaaka setheo se se sa direng morokotso kgotsa sa go tswela batho molemo;
- nne le bokgoni jwa go diragatsa diphetogo tsa tota mo morafeng;
- bontshe go kgona go akanya le go nnela ruri ga mokgatho wa gago le
- nne le bokgoni jwa go dirisa diitshetele sentle thata.

Badiri ba Basha

Motsamaisi wa dipeeletso

Nonzukiso Siyotula o ne a nna leloko la Royal Bafokeng Holdings ka Ferikgong a le 1 ka 2009 e le motsamaisi wa dipeeletso wa RBH yo o ikarabelang mo ditogamaamong tsa go beeletsa.

Nonzukiso ke Chartered Accountant, o dirile ikatsetso-tirong ya gagwe kwa South African Breweries (SAB). A falola lekwalo lwa gagwe la CIMA mme e nneile moithuti wa maemo a a kwa godimo. O na le dikerii ya Bachelor of Accounting (CTA) go tswa kwa Unibesithing ya Witswatersrand.

Ka nako ya fa a sale kwa SAB o iponetse maitemogelo a a tseneletseng mo mafapheng a a latelang: tsa dithele, go runa, diakhaonto tsa botsamaisi, lekgetho, le tirisotlhelele ya botsamaisi le go runwa ga IT.

Ke mmadi yo o tlhoafetseng mme gape o rata tsaya maeto fa nako e mo letla



Nonzukiso Siyotula – Motsamaisi wa dipeeletso



Nomthandazo Tshuma – wa tsamaiso ya HR le wa Diphetogo

Wa tsamaiso ya HR le Diphetogo mo tirong

Nomthandazo Tshuma o ne a nna leloko la Royal Bafokeng Holdings jaaka mothusi wa mokaedi wa HR le Diphetolo ka Diphalanane 2008. Maikarabelo a gagwe e tla bo e le a ditiro tsa tsamaiso le go thusa mokaedi.

O ne pele a thapilwe ke Nedbank e le mothusi wa Moeteledipele wa Lefapha la BEE Corporate Banking, o na le maitemogelo a magolo mo ditirong tsa tsamaiso.

Dithutego tsa gagwe di akaretsa National Foundation Certificate in Computer Studies, National Certificate in Computer Studies le Executive Secretarial Diploma.

Motsamaisi wa HR

Mefane Makhutla o ne a nna leloko la Royal Bafokeng Holdings e le Motsamaisi wa HR go simolola ka Mopitlwe a le 2 2009, mme maikarabelo a gagwe e tla bo e le go loga maano a HR.

O tswa kwa Anglo Platinum koo a neng a le Group Employee Relations Coordinator teng, maikarabelo a gagwe e le a tsamaiso ya go bega ka dikamano tsa badiri. Mefane o na le maitemogelo a magolo mo botsamaising jwa merero ya badiri, go baya ditekanyetso, melemo ya bathapiwa, tlhabololo ya bathapiwa, taolo ya tiro-sentle le katiso le tlhabololo.



Mefane Makhutla – Molaodi wa HR

Re fitlhelwa ko

Royal Bafokeng Holdings
17 Fricker Road
Illovo
Johannesburg
South Africa

Ikgolaganye le rona mo

Mpueleng Poee
Mokhuduthamaga: Public Affairs
Tel: +27 (0) 11 219 6000 • Fax: +27 (0) 11 219 6060
Email: info@bafokengholdings.com
Website: www.bafokengholdings.com